

二經同卷

太上開明天地本真經

太上玄都妙本清靜身心經

其十一

太上開明天地本真經

通玄三教眉山師 仁奇 授

夫大道者本真也。具是道之本經乃運之真。天地經本昇降具明。聖賢運本歸返真靈本。來真面目。大道體分明。自乾坤開闢以來。經日月陰陽之道。定寒暑顯晦明。發三光育萬物。顯三大聖人之德體。兩儀造化之功。明天文。分地理。成世界。立兆民。畫卦象。法制度。人造書契。合符明道。結繩而政。以開國成家。鑽木取火。以變生為熟。辨藥草而治病。教播種。以養生製衣裳。以蔽體。實身立器物。而應機。利用建宮室。避風雨。置舟楫。渡江河。為人淳朴。則仁壽長生。務本真。常而道明。不昧發顯。千賢萬聖。昇化通靈。漸生衆智。多禪爭強。戰國貪色。怨致叛淫。有興廢。迷本真。運天地之

道。背日月之明。汨汨沒沒。以濁惡洗滌。世世生。生而頑。羸蘊積。忘其道。理亂其紀綱。人表壽促。世變時荒。故立刑獄。以治平。乃制國法。而今行。皆乎上聖垂世。開化度人。遂與三教之機。重剖一具之道。儒體乾坤。健用一陰一陽之道。天之經地之義。民之行孝之禮。法而制之。謹身節用。不失本真。不廢中道。通五常。行四德。知死生。說日用。安和樂。而不淫。哀而不傷。充實之謂美。光大而成聖。道體乾坤。妙用一水一火之道。日魂月魄。內陰外陽。復命還源。深根固蒂。奪天地之造化。行火候之工夫。溫養成丹。同登仙品。不失其所。者久死而不亡者。壽本真。堅固得道。長生釋體。乾坤大用。一樞一實之道。隨機接物。見色明空。撈有無中道。精修證妙。相比空成就。同入無生。志全超。有作功。那伽大定。以返本歸源。實際具如而靈明。眼透通天。徹地證聖。成真。所以三教各稱其善。者道本真一也。生從本真來。死因本真去。得真非女男。明道無來去。儒務本不致于淫。合天地之德。道守本。溫養為功。合

天地之化。釋返本。明了真歸。超天地之表。況今三教。錯會一具。說務本。而邪念恣淫。無制節之謹度。誇守本。而傍門失養。無火候之真玄。說返本。而妄想迷流。無精修之妙法。今吾三教。通玄多方。直指哀愍。死生開明。天地中。天性天無上天。此地心地不動。地運天地之大道。經天地之大本。告天祝壽。保國安民。咸實本體。普度冤親。亡者得化。存者通靈。諸魔無害。萬病難侵。然則未能運藏。眼之真經。不得真本。未能返真源之本。根不得修養。未能養生。保命不得靈明。未能寂照。舍空不得見性。未能覺性。圓常不得通徹。未能通玄。徹悟不得真歸。妄求作佛。成仙不得。超凡入聖。要且憂死生一事之大。無人我三教之分。求至人指經法。明此本歸一具。日用作何修源。本作何得真性。作何見前路。作何歸如。然了徹了。明當證。非仙非佛。全超聖地。頓徹古今。未勸儒釋道。俗善信賢良。或持運經行。速得通利。若精修解悟。即證無生。明超外道。諸經勝轉。如來一藏。勿用說說。萬遍攝歸。炯炯一真。

經教經法經訣非中非外非心了真經非此
經得真本非此本當知大道真經務在口傳
心印依法秘受歡喜奉行

太上開明天地本真經

太上玄都妙本清靜身心經

爾時元始天尊在玄都大治元陽上觀七寶
華林紫瓊宮內太上道君與十方聖眾諸天
具仙三界帝王一切天神龍鬼應受度者無
鞅之眾登真一位得無為心同會其所玄都
官觀皆以金銀瑠璃珊瑚琥珀真珠碧玉種
種裝飾光明赫奕映照內外列座眾真不能
名目自然祥瑞表見尊前天兩寶花散滿於
地靈鈞雅樂不鼓自鳴百和神香芬馥流溢
爾時四座咸起驚疑默念思惟莫能先問
○
天尊撫几杜彼機緣入慧觀門示無為道思
念萬光稟受之初乃發鴻音告四眾曰汝等
男女本地身心悉皆清靜實相不動始終恒
一猶如虛空來去無礙難於受染絕諸愛想
正性湛然本無生滅但以顛倒隨業受形譬
如明珠恒埋糞壤塵劫隱蔽不覩其光汝等
男女將來衆生執虛假身迷真實道造顛倒
業積邪偽塵埋智慧珠乘惡癡垢墮生死海
溺貪愛流居五欲場處四魔境有惑煩惱結
縛身心隨業轉輪三塗五道蓋正性沉沒

第十一

四

玄珠寶本光明亦復如是輪迴生死無解脫
期是故我今開發妙門令汝得悟汝等四眾
以本分力汲道性水採無為香調智慧湯居
清淨室為諸衆生除根業穢洗虛妄塵令入
慧門觀於實相煩惱漏累畢竟消除洞照一

衆深明二際還源反本復我清虛得道自然
永無流轉爾時大衆聞是說已敬奉思惟心
闕意解歡喜踴躍稽首道前長跪頌曰

元始無上大慈尊 善說衆生邪倒業
諸法妙本常清淨 動則沉淪經萬劫

妄想既植貪癡根 隨根即生煩惱業
花葉繁滋彌世界 善惡輪迴互重疊

狂迷競貪邪偽果 子果不絕恒相接
煩惱垢重覆明珠 身心臭穢染清淨
示我汲引道性水 洗滌千邪歸一正

平等清淨智慧湯 遣除癡垢開真性
有緣速入正觀室 無為香水澄如鏡
能照去來邪倒業 洗滌貪嗔即戒定
心垢惱病豁已除 各復真根歸慧命
慮事所說巨恩讚 我等稽首咸恭敬

第十一

五